

Қазақстан Республикасы мен Корея Республикасы арасындағы сотталған адамдарды беру туралы шартқа қол қою турали

Қазақстан Республикасы Президентінің 2019 жылғы 17 сәуірдегі № 24 Жарлығы.

Қазақстан Республикасының Президенті
мен Үкіметі актілерінің жинағында
жариялануға тиіс

"Қазақстан Республикасының халықаралық шарттары туралы" 2005 жылғы 30 мамырдағы Қазақстан Республикасы Занының 8-бабының 1) тармақшасына сәйкес

ҚАУЛЫ ЕТЕМІН:

1. Қоса беріліп отырған Қазақстан Республикасы мен Корея Республикасы арасындағы сотталған адамдарды беру туралы шарттың жобасы мақұлдансын.
2. Қазақстан Республикасының Бас Прокуроры Ғизат Дәуренбекұлы Нұрдәuletovke Қазақстан Республикасы мен Корея Республикасы арасындағы сотталған адамдарды беру туралы шартқа қағидаттық сипаты жоқ өзгерістер мен толықтырулар енгізуге рұқсат бере отырып, Қазақстан Республикасының атынан қол қоюға өкілеттік берілсін.
3. Осы Жарлық қол қойылған күнінен бастап қолданысқа енгізіледі.

Қазақстан Республикасының
Президенті

Қ. Тоқаев

Қазақстан Республикасы
Президентінің
2019 жылғы 17 сәуірдегі
№ 24 Жарлығымен
МАҚҰЛДАНҒАН
Жоба

Қазақстан Республикасы мен Корея Республикасы (бұдан әрі "Тараптар" деп аталатын),

сотталған адамдарды беруде толығымен ынтымактасуға ниет білдіре отырып, осындай адамдарға бас бостандығынан айыру, күзетпен қамауға алу түріндегі және бас бостандығынан айырудың кез келген басқа нысандарындағы жазасын өздері азаматы болып табылатын мемлекетте өтеу мүмкіндігін беріп, осылайша олардың қоғамға сәтті қайта интеграциялануына ықпал ете отырып,

төмендегілер туралы уағдаласты:

1-БАП АНЫҚТАМАЛАР

Осы Шарттың мақсаттары үшін:

- a) "беруші Тарап" сottалған адам аумағынан берілуі мүмкін немесе берілген Тарапты білдіреді;
- b) "қабылдаушы Тарап" сottалған адам аумағына берілуі мүмкін немесе берілген Тарапты білдіреді;
- c) "ұкім" беруші Тараптың соты тағайындаған, жасаған қылмыс үшін белгілі бір уақыт кезеңіне немесе өмір бойына бас бостандығынан айыруды көздейтін кез келген жазаны немесе шараны білдіреді.

2-БАП

ЖАЛПЫ ҚАҒИДАЛАР

1. Тараптар осы Шарттың ережелеріне сәйкес сottалған адамдарды беруде бір-бірімен ынтымақтасады.
2. Беруші Тараптың аумағындағы сottалған адам оған тағайындалған жазаны одан әрі өтеу мақсатында осы Шарттың ережелеріне сәйкес қабылдаушы Тарапқа берілуі мүмкін.
3. Сottалған адамдарды беруге беруші Тарап та, қабылдаушы Тарап та сұрау салады.

3-БАП

ОРТАЛЫҚ ОРГАНДАР

1. Әрбір Тарап осы Шарттың ережелерін іске асыру мақсатында орталық органды тағайындайды.
2. Қазақстан Республикасының орталық органды Бас прокуратура болып табылады. Корея Республикасының орталық органды Әділет министрлігі болып табылады. Кез келген Тарап өзінің орталық органдың өзгерте алады және мұндай жағдайларда ол өзгеріс туралы екінші Тарапқа дипломатиялық арналар арқылы деру хабарлайды.
3. Тараптар, кейінге қалдыруға болмайтын жағдайларды немесе өзге де төтенше жағдайларды қоспағанда, бір-бірімен қатынасу үшін дипломатиялық арналарды пайдаланады.

4-БАП

БЕРУ ШАРТТАРЫ

1. Сottалған адамды беру мынадай:
 - a) жаза тағайындалған әрекеттер немесе әрекетсіздік қабылдаушы Тараптың заңнамасына сәйкес қылмысты құраған; алайда бұл шарт екі Тараптың заңнамасында сипатталған қылмыс оның сипатына елеулі түрде әсер етпейтін мәселелерге қатысты бірдей болуға тиіс дегенді білдірмейді;

- b) сотталған адам қабылдаушы Тараптың азаматы болып табылған;
 - c) беру туралы сұрау салу алынған кезде сотталған адамның жазаны өтеу мерзімі кемінде бір жыл болуға тиіс немесе ол жазасының белгіленбеген мерзімін немесе өмір бойына өтеп жатқан;
 - d) үкім түпкілікті болып табылған және беруші Тараптың юрисдикциясы шенберінде қылмысқа қатысты бұдан әрі аяқталмаған процестер болмаған;
 - e) беруші және қабылдаушы Тараптар беруге келіскең; және
 - f) егер Тараптардың бірі сотталған адамның жасына, физикалық немесе психикалық жағдайына байланысты мұны қажет деп пайымдаса, сотталған адам өзін беруге жазбаша келісім берген немесе келісімді оның занды өкілі берген жағдайларда ғана жүргізіледі.
2. Айрықша жағдайларда Тараптар, егер сотталған адамның өтеуі тиіс мерзімі осы баптың 1-тармағының с) тармақшасында көрсетілген мерзімнен аз болса да, беру туралы келісуі мүмкін.

5-БАП КЕЛІСІМДІ РАСТАУ

1. Тараптардың әрқайсысы осы Шарттың 4-бабы 1-тармағының f) тармақшасына сәйкес өзін беруге келісім беретін сотталған адамның мұны ерікті түрде және оның салдарын толық түсіне отырып жасағанына көз жеткізеді.

2. Беруші Тарап қабылдаушы Тарап тағайындаған лауазымды адамға беруге дейін осы Шарттың 4-бабы 1-тармағының f) тармақшасында көзделген сотталған адамның келісімі ерікті түрде және оның салдарын толық түсіне отырып берілгендейгіне жеке көз жеткізуіне рұқсат етеді.

6-БАП БЕРУШІ ТАРАП ҮШІН БЕРУДІҢ САЛДАРЛАРЫ

- 1. Сотталған адамның беруші Тарапта жазасын орындауы оны қабылдаушы Тарапқа бергеннен кейін тоқтатыла түрады.
- 2. Егер қабылдаушы Тарап жазаны орындау аяқталды деп пайымдаса және бул туралы беруші Тарапқа хабарласа, беруші Тарап жазаны одан әрі қарай орындамайды.

7-БАП БЕРУ РӘСІМІ

1. Әрбір Тарап осы Шарттың бар екендігі және оның мазмұны туралы осы Шарт қолданылуы мүмкін сотталған адамдарға хабарлайды.

2. Сотталған адам кез келген Тарапқа беру туралы өз ниетін білдіре алады, осы Тарап бұл туралы екінші Тарапқа жазбаша нысанда хабарлайды.

3. Сұрау салынатын Тарап беру туралы сұрау салу бойынша өз шешімі жөнінде екінші Тарапқа дереу хабарлайды.

4. Беру туралы сұрау салулар жазбаша нысанда жіберіледі және мынадай ақпаратты қамтиды:

- a) сотталған адамның аты, тегі, туған жылы, айы, күні және туған жері;
- b) сотталған адамның азаматтығын растайтын ресми құжат; және
- c) егер бұл мүмкін болса, сотталған адамның тұрған жері мен тұрақты тұрғылықты жері.

5. Беру туралы сұрау салу келіп түскен кезде беруші Тарап, мұның қаншалықты іс жүзінде мүмкін болғанынша, қабылдаушы Тарапқа жазбаша түрде мынадай ақпаратты жібереді:

- a) айыптауға және үкімге негіз болған фактілерге қатысты ресми құжат;
- b) беруші Тарапта жаза тағайындалған әрекет немесе әрекетсіздіктің қылмысты құрайтындығын куәландыратын тиісті заңың қөшірмесі;
- c) сотқа дейінгі қамаққа алудың сипаты және ұзақтығы, жаза мерзімі, жазаны өтеудің аяқталған күні және мүмкіндігінше, сотталған адамның жазасын өтеген мерзімінің кезеңі туралы және оның түзеу жұмыстарын тиісінше орындауына, жақсы тәртібіне немесе басқа да себептерге байланысты жазаның кез келген женілдетілуі туралы; және
- d) күзетпен ұстау туралы сот шешімінің немесе үкімнің қөшірмесі.

6. Тараптардың кез келгені мүмкіндігінше екінші Тарапты соңғысының өтініші бойынша беру туралы сұрау салуды қарau немесе беру туралы шешім қабылдар алдында кез келген қосымша ақпаратпен, құжаттармен немесе мәлімдемелермен қамтамасыз етеді. Бұл жағдайда, қабылдаушы Тарап беруші Тараппен оның үкімді осы Шарттың 8-бабының 3-тармағына сәйкес бейімдеуге ниеті туралы консультация алmasады.

7. Беруші Тарап органдарының сотталған адамды қабылдаушы Тараптың органдарына беруі беруші Тараптың аумағында екі Тарап келіскең күні және орнында жүргізіледі.

8. Тараптар осы баптың алдыңғы тармақтарына сәйкес беруші Тараптың немесе қабылдаушы Тараптың жасаған әрбір әрекеті туралы сотталған адамға жазбаша нысанда хабарлайды.

8-БАП

ҮКІМДІ ОДАН ӘРІ ОРЫНДАУ

1. Қабылдаушы Тарап үкімді қабылдаушы Тарапта тағайындалғандай етіп орындаиды немесе үкімді осы баптың 3-тармағында белгіленген шарттарда бейімдейді.

2. Беруден кейін үкімді одан әрі орында түрмеде жазаны өтеу, күзетпен ұстай немесе бас бостандығынан айырудың басқа да түрінің шарттарын және қамаудың немесе бас бостандығынан айырудың басқа да түрінің мерзімін шартты түрде босату немесе басқа да қосымша шаралар арқылы қысқартуды көздейтін шарттарды қоса алғанда, қабылдаушы Тараптың заңнамасына және рәсімдеріне сәйкес жүзеге асырылады.

3. Егер жаза сипаты мен ұзақтығы бойынша қабылдаушы Тараптың заңнамасымен үйлеспесе, бұл Тарап оны ұқсас қылмыс үшін өзінің заңнамасында көзделген жазаға бейімдей алады. Бейімделген жаза сипаты мен ұзақтығы бойынша беруші Тарап тағайындаған жазадан қатал бола алмайды.

4. Қабылдаушы Тарап өзіне беруші Тараптың сотталған адамға рақымшылық ету жөніндегі кез келген шешімі туралы немесе беруші Тараптың жазаның күшін жоюға немесе оны жеңілдетуге алып келетін кез келген басқа шешімі немесе шарасы туралы хабарланғаннан кейін үкімді өзгертеді немесе оның күшін жояды.

5. Беруші Тараптың сұрау салуы бойынша қабылдаушы Тарап үкімді орындау туралы кез келген ақпаратты беруге тиіс. Тараптардың кез келгені кез келген уақытта нақты үкімнің орындалу жағдайы туралы арнайы есепті сұратса алады.

9-БАП

ЮРИСДИКЦИЯНЫҢ САҚТАЛУЫ

Беруші Тарап өзінің соттары тағайындаған үкімдер мен жазаларды қайта қарау бойынша айрықша юрисдикцияны өзінде сақтайды.

10-БАП

СОТТАЛҒАН АДАМДАРДЫ ТРАНЗИТТЕУ

1. Егер Тараптардың бірі сотталған адамды екінші Тараптың аумағы арқылы басқа юрисдикциядан немесе басқа юрисдикцияға тасымалдаса, онда біріншісі соңғысына осындай транзитке рұқсат ету туралы сұрау салу жібереді.

2. Өуемен тасымалдаған жағдайда, екінші Тараптың аумағында қону жоспарланбаған болса, мұндай рұқсат қажет етілмейді.

3. Сұрау салынатын Тарап өзінің ішкі заңнамасына сәйкес сұрау салушы Тараптың транзитке сұрау салуын қанағаттандырады.

11-БАП

ТІЛ

Тараптар арасындағы беру туралы сұрау салулар және сотталған адамды беру туралы сұрау салуды растау кезінде ұсынылған жазбаша хабарламалар күеландырылуға және Сұрау салынатын Тараптың тіліне немесе ағылшын тіліне аудармасымен бірге берілуге тиіс.

Сұрау салуға жауаптар сұрау салушы Тараптың тілінде немесе ағылшын тілінде жасалуға тиіс.

12-БАП ШЫҒЫСТАР

Беруші Тараптың юрисдикциясы шенберінде ғана беруші Тарапта туындаған шығыстардан басқа, сотталған адамды беруге немесе бергеннен кейін үкімді одан әрі орындауға байланысты туындаған барлық шығыстарды қабылдаушы Тарап көтереді. Алайда қабылдаушы Тарап беру бойынша шығыстардың барлығын немесе бір бөлігін сотталған адамнан өндіріп алу мүмкіндігін көздеуі мүмкін.

13-БАП ДАУЛАРДЫ ШЕШУ

Осы Шартты түсіндіру, қолдану немесе іске асыру кезінде туындаитын кез келген даулы мәселелер, егер орталық органдар өз бетінше шешім қабылдай алмаса, дипломатиялық арналар арқылы шешіледі.

14-БАП ҚОЛДАНУ

Осы Шарт күшіне енгенге дейін немесе одан кейін сотталған адамдарды беруге қатысты осы Шарт қолданылады.

15-БАП ҚОРЫТЫНДЫ ЕРЕЖЕЛЕР

1. Тараптардың әрқайсысы өз заңнамасына сәйкес осы Шарттың күшіне енуі үшін қажетті мемлекетішілік рәсімдерді орындағаны туралы дипломатиялық арналар арқылы жазбаша нысанда екінші Тарапты хабардар етеді. Осы Шарт соңғы хабарлама алынған күннен кейінгі отызыншы (30) күні күшіне енеді.

2. Осы Шарт Тараптардың кез келгені дипломатиялық арналар арқылы екінші Тарапты жазбаша нысанда өзінің осы Шарттың қолданысын тоқтату ниеті туралы

хабардар етпегенше күшінде қалады. Бір Тарап екінші Тараптың қолданысты тоқтату туралы хабарламасын алған күнінен кейін бір жұз сексенінші (180) күні осы Шарттың қолданысы тоқтатылады.

3. Осы Шарттың қолданысының тоқтатылуы оның қолданысы тоқтатылғанға дейін басталған беру процестеріне әсер етпейді.

ОСЫНЫ КУӘЛАНДЫРУ ҮШІН, бұған тиісті түрде өз мемлекеттері уәкілеттік берген төменде қол қоюшылар осы Шартқа қол қойды.

_____ жылы _____ күні _____ қаласында әрқайсысы қазак, корей және ағылшын тілдерінде екі данада ЖАСАЛДЫ, әрі барлық мәтіндер тентүпнұсқалы болып табылады. Осы Шартты түсіндіруде келіспеушіліктер туындаған жағдайда, ағылшын тіліндегі мәтін басым болып табылады.

ҚАЗАҚСТАН РЕСПУБЛИКАСЫ
YШІН

KOREЯ РЕСПУБЛИКАСЫ
YШІН

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК